


# Orìginis de Futei



Sa bidda, de orìgini Mediuevali (regioni stòrica de Valenza-Marmilla) postu a 90 metrus, asuba de su livellu de su mari (26,12 Km<sup>2</sup>), contat 1724 abitantis e si podit arribbai passendi po sa SS. 197 po 4 Km a pustis de su bìviu po Biddasanta (SS. 131 Km 40), conca a Barùmini.

Su nùcleu de orìgini apillat a su 1290 prus o mancu, interis su topònimu podit essi de orìgini prelatina. Est atestau a partìri de su 1341 (ecclesie de Frutey calaritanu diocesis) ma s'interpretesa de su significau no est segura.

Mancai immoi manchint circas apitzus de arrastus prenuràgicus est segura s' antropizatzioni de su territòriu: si ddu narant is nuraxis Cummassariu, Bàngius, Sa Conca Manna, Monte Crésia, Noraxiais e Su Bruncu 'e su senzù e is arrastus de civiltadis antigas agatadas in is logus de S. Salvatore e Su Bruncu 'e su testivigliu.



---

Funt pagus is testimónias de s' edadi punica (in Santu Brai) e fintzas cussas romanas. De custas abarrat unu ponti antigu in perda acanta de sa bidda.



Is testimónias de su tempu Giudicali e Aragonesu funt medas. Si nant chi Futei fiat una bidda de importu. Impari a is biddas de sa Curatòria de Nuràminis, Futei si ddu certant is Giudicau de Arborea e de Casteddu, e a custu, po nai sa beridadi, ferriat.

Candu ndi arruit su Giudicau de Casteddu in su 1258 passat a cussu de Arborea, po 40 annus prus o mancu, candu Marianu II de Bas Serra, ddu lassat (impari a àterus territòrius) a su Comunu de Pisa.



Cun sa dominatzini aragonesa, Futei diventat feudu, in su 1358, de G. Bertrando de Torrente.

Candu is Aragonesus convocant in Casteddu su primu parlamentu, Futei, chi giai teniat privilégius e franchigia mandat is rapresentantis suos. Pustis, in su 1414, cuncordant sa Baronia de Futei e dda donant a Michele Sanjust. Sa bidda abarrat a is Sanjust fintzas a su 1839, candu dd' arriscatant.

Oi Futei dda connoscint po is minieras de óru.